

Date – 16/01/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Mizoram Larsap thar tur General (Rtd) VK Singh chu vawiin hian Raj Bhavan-ah rinawmna thu tiamtira lakluh a ni ang.**
- 2. Aizawl, Sairang leh Lengpui inkar thlunzawm Ropeway siam theih dan Chief Minister Pu Lalduhoma hova ngaihtuah a ni.**
- 3. Prime Minister Narendra Modia chuan India chu tuifinriat lama ralthuam nei tha ber pawlah a tel tawh a ti.**
- 4. Sawrkar flagship Programme Startup India chuan vawiin hian kum kua a tling.**



NEW GOVERNOR

Governor thar tur, Gen. (Dr.) Vijay Kumar Singh-a chu vawiin chawhma dar 11ah Raj Bhavan Circular Lawn-ah Gauhati High Court Chief Justice Vijay Bishnoi an Mizoram Governor 25-na ni tura rinawmna thu tiam tirin a la lut ang.

Pu VK Singh-a hi a nupui Pi Bharti Singh nen nimin khan Lengpui Aiport lo thlengin, Chief Minister Pu Lalduhoma chuan Lengpui Airport-ah anmahni lawmna leh hmuahna hun a buatsaih a, a hmuahnaah hian Chief Minister Pu Lalduhoma leh a nupui Pi Liansailovi, Speaker Pu Lalbiakzama, Home Minister Pu K. Sapdanga, Chief Secretary Pu Khilli Ram Meena, DGP Pu Anil Shukla leh Official pawimawh dangte an tel a, hemi hnu hian Raj Bhavan panpui nghal a ni.

Lalnunhlui Tuallawt

Mizoram Larsap thar tur General VK Singh hi Indian Army Chief of Army Staff hlui niin he dinhmun hi kum 2010 atanga 2012 chung a chelh a, four star General niin Indian Army hotu hmingtha tak a ni a. A hna atanga a chawlh hnuin BJP Party a zawmin Member of Parliament a ni tawh a. Ministry of Road Transport and Highways leh Ministry of Civil Aviation changtu Minister of State dinhmun chelh tawhin Hemi hma hian Minister of State for External Affairs, Minister of State (Independent Charge) for Development of the North-Eastern Region leh Minister of State for Statistics and Programme Implementation a ni tawh bawk a ni.



CM

Aizawl, Sairang leh Lengpui inkar thlunzawm Ropeway siam theih dan a awm em tih sawihoin nimin khan Chief Minister Pu Lalduhoma hovin meeting neih a ni a.

Aizawl, Sairang Rel Station leh Lengpui inthlunzawmna ropeway hi, Tourism Development atan mai bakah Sairang kaltlanga Aizawl - Lengpui inkar inthlunzawmna neih belhna atan siam thaa hriatna a awm a. Externally Aided Project hmanga UD & PA in a kalpui mek Aizawl Sustainable Urban Transport Project (ASUTP) hnuaiyah emaw Tourism Department kaltlanga kalpui theih dan a awm em tih an sawiho a ni.

Meeting-ah hian Pu K. Sapdanga, UD & PA Minister, Pi Lalrinpuii, Tourism Minister, Pu TBC Lalvenchhunga, Adviser to CM leh official pawimawh te an tel a ni.

<><><>

SCHOOL EDUCATION

Mizoram Samagra Shiksha in Interactive flat panel a lei chu School Education Minister Dr Vanlalhlana hovin sem a ni.

Minister chuan Interactive flat panel chu sorkar hmasa hun laia sem tawh chhunzawmna a ni a ti a. Zirnaah hian khawvel technology changkang zel milin kal ve theih tur a ni a, zirlaiten hna an zawn hunah tunlai technology nen an inel tawh dawn a, chuvangin zirilaibu bakah zirtirtute pawh tunlai khawvel mila an inher rem ve zel a ngai a ti a. Tunlai khawvelah hian eng nge thleng tih ngaihven a inchhiar var a, an hriatna chu zirlaite an pek chhawn ve leh a ngai a ni a ti.

Minister chuan classroom a zirtirna chu smart board hmangin audio visual mode-a kalpui theih a lo ni ta tih sawiin zirtirtute chu naupang an zirtirnaah a tam thei ang ber hmang tangkai turin a chah a. Zirtirtute chu naupangte zirtirna kawngah khalh luh tumna goals nei turte leh chumi mila kal thin tur chuan a fuih bawk. Zirnain hma a sawn theih nan zirtirtute chuan lesson plan an siam te pawh ngai dawn tih a sawi bawk.

Interactive flat panel hi school 13 hnenah sem a ni.

<><><>

AH& VETY

Animal Husbandry & Veterinary Minister Pu C Lalsawivunga chuan AH&Vety farm Thenzawl a tlawh a, department hmalakna leh hmalak dan tur te a hmunah a enpui a ni.

Minister chuan Thenzawla Tin 57 a zau ran chaw hmun chu sorkar hmalaknain kum 2024 ah chuan Tin 70 hmun siam belhin Tin 127 hmun zet a zau a zauh a ni a ti a, Ran chaw ro hralh chhuah theih tura peih fel a nih tawh thu leh Kg 1,50,000 zet thar chhuah theih beisei a nih thu a sawi a. Ran vulhtute awlsam zawk nan ran chaw hi Thenzawl atangin Selesih AH&Vety farm - ah lak phei dan ngaihtuah mek a nih thu a sawi bawk.

Minister hian Zo-Sial humhalhna tur atana din Sial Farm hmunhma tlawhin hmathar lakna hrang hrang a enfiah bawk a, Mizo Sial leh Zo Vawk a ral mai lohna tura thawktuten an lo vulh chu thil lawmawm tak a ni, a ti a. He Sial farm ah hian tun dinhmunah Zo- Sial pariat vulh mek a ni a, ti pung zel turin department in hma a lak mek thu a sawi a ni.

AH&VETY Minister chuan Mizoram Artui a intodelh theih nan hma an la mek tih sawiin kumin aṅanga bul ṅan turin Arpui, a tui tam chi nuai khat vulh theihna turin hma an la mek a, a hmun hma tur pawh an nei ṅha a, thawktu an nei ṅha bawk a, Mizoram bung thar a kai ngei dawn a ni”, a ti a. Sial vulhtute tan Sial Chi liah tur Rashtrya Gokul Mission (RGM) aṅangin siam mek a ni a, hei pawh hi tih changtlun zel theih chuan Sial vulhtuten an ṅangkaipui hle dawn a ni, a ti bawk.

Pu C Lalsawivunga hian Kel Vulhna Hmun leh Vety Dilpui a tlawh bawk a. Thenzawl-a A.H.& Vety Department hmun hma tha tak an neih hi tangkai taka hman a nih theih nana ruahmanna hrang hrang kalpui mek a nih thu a sawi bawk a ni.

<><><>

TOURISM

Tourism Department Deputy Director Pi Rachel Lalrinhlui chuan Covid hri len hnuah Mizoram khualzin an pun nasat thu a sawi.

Pi Rachel Lalrinhlui chuan tourism lama hmasawna ruhrel leh mipuite hrilhhriatna kawnga hma an lak nasat avangin khualzin an pun thu a sawi a. Reiek, Hmuifang leh Thenzawl chu khualzin ten an tlawh nasat thu a sawi a ni.

Tourism Dept chhinchhiah danin kum 2022-2023 chhungin mi 2,20,000 in Mizoram an tlawh a, kum 2023-2024 ah mi 2,19,000 in an tlawh a, a. Nikum Oct thla thleng khan Mizoram chhunga khualzin chhinchhiah zat hi ramdang mi 3,964 leh ramchhung mi 4,06,297 niin a vaiin mi 410,261 an ni.

Mizoram khaw hrang hrang a check gate tin atang ILP hmang a rawn lut zat hi mi 92,992 an ni a. Bairabi check gate atangin mi 40,072 an awm bawk a, Kanmun check gate atangin mi 4278 awmin Vairengte check gate atangin mi 48,644 te an rawn lut a ni. Tourism department chhinchhiah danin foreigner tlawhtu mi 2,424 an awm a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

POLICE RECRUITMENT

Mizoram Police chuan police constable 259 a la thar dawn a, tun thla ni 22 thleng a dil theih ang.

Mizoram Police in police constable an lak tur hi Un-Armed 51, Armed 200 leh mechanic 8 a ni a. Dil tur te chuan Mizoram Police department online portal mizopolicerec.in ah dil theih a ni a. Dilna thehluh kawnga harsatna nei tan tanpuitu tur Mizoram Police chuan a ruahman a, Police Headquarters, Aizawl SP pisa, Bawngkawn police station leh district headquarters zawng zawng SP pisa tinah tanpuitu an ruahman a ni.

<><><>

PM

Prime Minister Narendra Modia chuan India chu tuifinriat lama ralthuam nei tha ber pawlah a tel tawh a ti. Nimina Indian Navy te hman tur Indo lawnglian pathum INS Surat, INS Nilgiri leh INS Vaghsheer a hawnaah he thu hi sawiin Pu Modia chuan Indo-Pacific huamchin chu him tak, inpawh tak leh hmasawn zel tura siam a duh ber a ti a. Indo lawnglian tlangzarh takte chu ramchhunga siam vek an nih thu sawiin an chhuanawm a tih thu a sawi baw a ni.

Defence Minister Rajnath Singh-a pawhin thu sawiin kumin hi Defence lamah insiamthat kum anih tur thu sawiin kumtawpah chuan kawng hrang hrangah thil thar chin chhuah a ni ang a ti.

He inkhawmah hian Maharashtra Governor C.P Radhakrishnan leh Maharashtra Chief Minister Devendra Fadnavis te an tel a ni.

<><><>

STARTUP INDIA

Sawrkar flagship Programme Startup India chuan vawiin hian kum kua a tling. He scheme kalpui anih hnuah hian ramchhungah Startup nuai 1 sing nga leh sang9 chuang an awm tawh a. Eizawna mi nuai 16 tana siam sakin hmeichhia pakhat tal director an awmna hi 73,151 an awm tawh baw a ni. He scheme hmang hian ramchhunga eizawna siam tum entrepreneur te chu sawrkarin an tan remchang siamsakin puih an ngaihnaah a pui baw a. Startup India hnuai hian program chi hrang hrang kalpui a ni a, hei vang hian India chu hna zawngtu tamna ni tawh loin hna siamtu tamna ramah a awm tawh a ni.

<><><>

PM MANN KI BAAT

Prime Minister Narendra Modi chuan tun thla ni 19 Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 118-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information

**and Broadcasting Ministry-a YouTube channel-ah live-stream a ni
baw k ang.**

<><><>